

Adroddiad Cynghorydd Sian Gwenllian – Rhagfyr 2015

NADOLIG LLAWEN A BLWYDDYN NEWYDD DDA!

Digwyddiadau Nadoligaidd:

Fory (Sadwrn 12/12/15) : TE NADOLIG 2- 4 pm Felin Gylchu £3

Bydd Ffair yn cael ei chynnal yn Y Faenol ar Ddydd Sul, Rhagfyr 13 o 11am - 7pm. Bydd yr elw o ffioedd stondinau, raffl, a maes parcio yn mynd i 'Rwydwaith Ffoaduriaid Gogledd Cymru' ac yna yn cael ei wario ar brynu esgidiau ar gyfer ffoaduriaid ar ynysoedd Leros, Lesbos a Chios. Bydd amrywiaeth a wahanol stondinau traddodiadol, gan gynnwys busnesau lleol a chrefftwyr. Os gennych ddiddordeb mewn cael standin yn Ffair Nadolig Y Faenol, cysylltwch efo kristinabanholzerphotography@hotmail.com neu mail@drzigs.com. Bydd cost o £7 ar gyfer pob standin.

Nadolig FELINHELI – Sul Rhagfyr 20 am 5 yn Neuadd yr Eglwys
Canu Carolau – Stondinau Nadoligaidd – Sion Corn

Byddai'r Cyngor Cymuned yn falch o dderbyn ceisiadau am gymorth ariannol oddi wrth elusenau a cymdeithasau'r pentref erbyn y 31ain o Ragfyr 2015. Dylai unrhyw gais (ffurflen gais ar wefan y Cyngor) gael ei anfon ynghyd a chopi o daflen adroddiad ariannol blynyddol y gymdeithas at y Clerc Heather Lynne Jones, 3 Maes Padarn, Llanberis, Gwynedd, LL55 4TE clercfelinheli@aol.com

1)Cais i greu pysgodfa cerrig gleision ar y banc tywod gyferbyn a'r Felinheli – rhwng Castell Gwylan a Moel y Don. Mae nifer yn bryderus am effaith posib hynny i hwylwyr, pysgotwyr a cherddwyr. Mae'r cyfnod ymgynghori wedi dod i ben ac yn anffodus, doedd y gymuned ddim yn ymwybodol, o'r bwriad tan yn hwyr iawn yn y dydd. Fodd bynnag, rwyf mewn trafodaethau efo'r cwmni ac mae nhw wedi cytuno dod i'r pentref i egluro yn union beth sydd dan sylw. Gobeithio bydd hynny yn digwydd yn fuan yn y flwyddyn newydd. Mae nhw'n cyfarfod y Clwb Hwyllo wythnos nesaf. Rwyf o blaid datblygu'r diwydiant bwyd mor yn yr ardal, ond nid ar draul buddiannau'r bobl leol.

2)Llwybr ger yr Afon Heulyn : bu raid cau y llwybr gan fod rhan o wal y Faenol wedi dymchwel. Diolch i Gadeirydd y Cyngor Cymuned am weithredu yn gyflym. Rwyf yn disgwyl adroddiad gan y swyddog llwybrau ar y camau fydd yn cael eu cymryd i wneud yn siwr fod y llwybr yn cael ei ail-agor. Mae Stepiau Cei yn dal ar gau ond mae'r Cyngor wedi cytuno i adeiladu bwtres i ddiogelu'r wal.

3)Y Wal For: Ar ôl cael gwybodaeth gan etholwr, gofynnais i swyddogion Cyngor Gwynedd edrych ar gyflwr y wal for ar Lan y Mor. Cefais adroddiad yn ôl gan y swyddog morwrol a gan Uned Amddiffyn yr Arfordir sy'n dweud nad yw'r sefyllfa yn achosi gormod o bryder ar hyn o bryd ond y byddan nhw yn parhau i fonitro y wal.

4)Rhyd Y Fenai: Bum yn helpu etholwyr oedd yn pryderu y byddai y canllawiau newydd yn rhwystro mynediad at erddi a leiniau dillad. Cafwyd cytundeb gyda CCG ac mae'r canllawiau newydd yn eu lle. Rwyf yn pwysu am ragor o waith gan gynnwys trwshio'r stepiau, wyneb newydd i'r llwybr a mesurau diogelwch ar y balconi.

5)Ailgylchu: Mae'r Cyngor wedi symud at drefn newydd o gasglu deunydd ailgylchu/bwyd gwastraff bob wythnos a gweddill y gwastraff o'r biniau gwyrdd pob 3 wythnos. Nid oes llawer o broblemau wedi codi efo hyn. Mae'r Cartgylchu newydd wedi ei ddsbarthu i dai sydd yn addas ar gyfer eu defnyddio. Nid yw'r cyngor yn ystyried fod Stryd Menai a Stryd Bangor yn addas ar eu cyfer ond gall unigolion sy'n byw yno, neu mewn mannau eraill sydd heb gael y cart, wneud cais i gael un. Bydd

Tan y Maes yn cael rhai yn y flwyddyn newydd. Dylid anfon at ailgylchu@gwynedd.gov.uk Neu ffonio Galw Gwynedd ar 01766 771000.

6) Llwybr Rowen: mae Cyngor Gwynedd wedi cadarnhau fod y tîrfeddianwyr yn ardal y Llwybr wedi cytuno i'r bwriad o wella'r Llwybr cyn iddo gael ei fabwysiadau yn ffurfiol fel Llwybr cyhoeddus gan y Cyngor. Deallaf fod y gwaith i'w wneud yn fuan yn 2016.

7) Llwybr yr Arfordir : mae'r cynllun yn symud yn ei flaen gyda gwaith cyfreithiol i gael caniatâd y gwahanol berchnogion tir. Byddwn i gyd yn falch o weld y Llwybr yn agor yn swyddogol – cyn yr haf nesaf gobeithio.

8) Grid cenedlaethol – mae'r ymgynghoriad am ddod a pheilonau i Bentir ar y tir mawr yng nghyffiniau Faenol/Nant y Garth/Treborth yn cau ar Rhagfyr 16. Rwyf yn dadalu dros roi'r ceblau dan y mor o Ogledd Môn i Lannau Dyfrdwy. <http://www.cysylltiadgogleddcymru.com/>

9) Gyda chefnogaeth Grwp Cyngorwyr Plaid Cymru cyflwynais gynnig yn erbyn y TORIADAU i gyfarfod llawn o Gyngor Gwynedd ar Rhagfyr 10fed. Cafodd ei basio yn ddi-wrthwynebaidd. Dyma'r geiriad:

Mae Cyngor Gwynedd yn datgan gwrthwynebiad chwyrn i bolisiau ariannol y Trysorlys am eu bod nhw'n taro'r rhai mwyaf anghenus, yn chwalu'r gwasanaethau cyhoeddus ac yn ein gorfodi ni fel pob Cyngor i wneud toriadau enbyd fydd hefyd yn effeithio yn sylweddol ar yr economi leol. Nid toriadau CYNGOR GWYNEDD yw'r toriadau ond toriadau'r Toriaid ; rydym yn ERBYN yr ideoleg sy'n gyrru'r toriadau, ond rydym yn ceisio gweithredu mor deg a thryloyw a phosib o dan amgylchiadau erchyll. Er gwaethaf hyn rydym yn parhau i fod yn uchelgeisiol dros y sir ac yn awyddus i greu llwyddiant i'r dyfodol.

10) Mae Uned Mamolaeth Ysbyty Gwynedd yn ddiogel am y tro ond mae pryder y bydd yn colli gwasanaeth ymgynghorwyr yn y tymor hir wrth i Glan Clwyd gael ei ddatblygu. Ymunwch a'r grwp ymgyrchu Babis Bangor ar face-book.

<https://www.facebook.com/groups/1636463603269642/?fref=ts>

11) Hoffwn ddymuno ymddeoliad hapus i Ken Brown sydd wedi gadael Cyngor Cymuned Y Felinheli ar ôl blynyddoedd lawer o wasanaeth fel Cadeirydd a chynghorydd. Diolch iddo am ei holl waith diflino dros y pentref. Yn ddiweddar llwyddodd o gael arwyddion newydd Croeso i'r Felinheli i bob pen o'r pentref. Diolch hefyd a Pat Jones sydd wedi ymddeol o'r cyngor ar ôl cyfnod hir ac i Louise Hughes am ei gwaith dros drigolion Y Wern. Croeso i'r aelodau newydd a phob lwc i Cyng. Daniel Williams y Cadeirydd newydd. Edrychaf mlaen at gyd-weithio efo chi gyd er lles y pentref.